

ТИББИЁТДА ҚЎЛЛАНИЛИШИГА ДОИР ЙЎРИҚНОМА  
PRIMAFAG NEO  
PRIMAPHAGE NEO

**Препаратнинг савдо номи:** ПРИМАФАГ НЕО

**Таъсир этувчи модда (ХПН):** поливалент лизифаг

**Дори шакли:** маҳаллий ва сиртга қўллаш учун спрей

**Таркиби:**

**1 мл препарат куйидагиларни сақлайди:**

*фаол моддалар:* *Pseudomonas aeruginosa*, *Proteus mirabilis*, *Klebsiella pneumoniae*, *Enterococcus faecalis* ва *Escherichia coli*нинг турли серогуруҳ бактерияларининг стерил тозаланган фаголизатларининг филтрати. Титр  $10^6$  КХҚБ/мл (Грациа усули бўйича) ва *Staphylococcus haemolyticus* нинг фаоллиги  $10^{-5}$  дан кам эмас (Аппельман усули бўйича).

*ёрдамчи моддалар:* консервант - 8-гидроксихинолин сульфат ёки 8-гидроксихинолин сульфат моногидрат, 8-гидроксихинолин сульфатга нисбатан ҳисобланганда 0,00001 г/мл ёки 0,001% суюқ фаг микдорига нисбатан (ҳисобланган микдор) ва тозаланган сув.

**Таърифи:** оч сарикдан - оч жигарранггача бўлган тиниқ суюқлик, яшилсимон рангга йўл кўйилади.

**Фармакотерапевтик гуруҳи:** Бошқа даволовчи воситалар.

**Код АТХ:** V03A

**Фармакологик хусусиятлари**

PRIMAFAG NEO - *Staphylococcus haemolyticus*, *Pseudomonas aeruginosa*, *Proteus mirabilis*, *Klebsiella pneumoniae*, *Enterococcus faecalis* ва *Escherichia coli* бактерияларини турли хил серогуруҳларига қарши ўзига хос бактерицид таъсирга эга бўлган дори препарати. Фаг заррачалари сезгир бактерияларнинг мембранасига ёпишади, хужайра ичига киради ва унинг ресурслари ҳисобига кўпаяди. Бунинг оқибатида хужайра нобуд бўлади ва бошқа сезгир бактериал хужайраларни зарарлаш қобилятига эга етилган вирулент фаг қисмларини ажралиб чиқиши кузатилади. PRIMAFAG NEO бактериофаги бошқа бактерияларга таъсир қилмайди, хусусан табиий микрофлорани бузмайди.

**Қўлланилиши**

Препарат барча ёшдаги ва юкори хавфли гуруҳларда *Staphylococcus haemolyticus*, *Pseudomonas aeruginosa*, *Proteus mirabilis*, *Klebsiella pneumoniae*, *Enterococcus faecalis* ва *Escherichia coli*нинг турли серогуруҳ бактериялари келтириб чиқарадиган бактериал йирингли-яллиғланиш ва ичак касалликларини даволаш ва олдини олиш учун қўлланилади.

**Куйидагиларни даволашда:**

- жаррохлик инфекциялари: йирингли яра, куйиш, абсцесс, флегмона, фурункул, карбонкул, гидраденит, панариций, парапроктит, мастит;
- юкори нафас йўлларининг бактериал инфекциялари: кулок, томок, бурун, синуслар, оғиз бўшлиғи, халқум, касалликлари (отит, ангина, фарингит, ларингит, стоматит, синусит, пародонтит, гайморит);
- янги туғилган чақалоқларни йирингли-яллиғланиш касалликлари (омфалит, пиодермит, конъюнктивит).

**Олдини олиш:**

- янги жароҳатларга ишлов бериш;

- жарроҳлик муолажалари ва операциялардаги йирингли асоратларини олдини олишда қўлланилади.

### **Қўллаш усули ва дозалари**

Фаготерапия самарадорлигининг муҳим шартларидан бири — касаллик қўзғатувчисининг фагларга сезувчанлигини олдиндан аниқлаш (бемордан ажратилган штаммларнинг **PRIMAFAG** препаратига нисбатан сезувчанлигини аниқлаш) ҳисобланади. Препаратни касалликнинг илк босқичида қўллаш, шунингдек, уни инфекция ўчоғига юбориш энг самарали ҳисобланади. Инфекция ўчоғини жойлашишига қараб, препаратни қуйидаги ҳолларда қўллаш мумкин:

- **маҳаллий** — тозалаш, ювиш, томизиш, аппликациялар, тампонлар, турундалар кўринишида. Оғиз бўшлиғи орқали қабул қилинганда препаратни овқатланишдан 30-60 дақиқа олдин қўллаш керак;

- 11 ёшгача бўлган болаларда бодомсимон безларни пуркагич билан даволаш тавсия этилади. Бунинг учун 5 мартадан пуркаш орқали, кунига 4-5 марта, 3 соатлик интервал билан ишлов бериш керак;

- катталар учун 6-7 мартадан пуркаш орқали, кунига 6-7 марта ишлов бериш керак.

**Маҳаллий йирингли-яллиғланиш касалликларини даволаш учун PRIMAFAG** спрейини бир вақтнинг ўзида ҳам маҳаллий, ҳам *ичга қабул қилиш (per os)* учун тавсия этилади. Препарат дозаси ва пуркаш миқдори инфекция манбаининг ўлчамлари (зарарланган ҳудуднинг катталиги) билан белгиланади. Препарат билан даволаш курси давомийлиги 7 кундан 15 кунгача (клиник кўрсатмаларга қараб).

### **Ножўя таъсирлари**

Препарат заҳарли эмас. Бирон-бир ножўя таъсири аниқланмаган. Жуда камдан-кам ҳолларда, оғиз орқали қабул қилинганда, енгил ва қисқа давом этувчи рефлектор кўнгил айланиши кузатилиши мумкин, бу ҳолат препаратни тўхтатишни талаб этмайди.

### **Қўллаш мумкин бўлмаган ҳолатлар**

Препаратни бирон-бир компонентига ўта юқори сезувчанлик бўлганда.

### **Дориларнинг ўзаро таъсири**

Препаратни ҳар қандай гуруҳдаги дори воситалари билан бирга қўллаш мумкин.

### **Махсус кўрсатмалар**

- Бактериофаг билан даволашни иложи борича эрта бошлаш керак. Препаратни қўллашдан олдин чайқатиш керак.

#### ***ХИРА ПРЕПАРАТНИ ИШЛАТИШ МУМКИН ЭМАС!***

- Агар бактериофагни қўллашдан олдин ярага ишлов бериш учун кимёвий антисептиклар ишлатилган бўлса, у ҳолда ярани 0,9% натрий хлориднинг стерил эритмаси билан яхшилаб ювиш керак;

- препарат атроф - муҳитдаги бактериялар ривожланиши мумкин бўлган озуқа муҳитини сақлайди. Шу сабабли, пуркагичдан фойдаланилгандан кейин, пуркагич учига спирт эритмаси билан ишлов бериш керак;

- флаконни совутгичда сақлаш керак. Препаратни сақлаш ва очиш қоидаларига риоя қилинганда, сақлаш жараёнида хиралашмаган бўлса, уни бутун яроқлилик муддати давомида ишлатиш мумкин;

- кекса ёшдаги беморларга кунлик миқдорни ўзгартириш талаб этилмайди.

#### ***Ҳомиладорлик ва лактация даврида қўлланилиши***

Ҳомиладорлик ва лактация даврида, инфекцияни келтириб чиқарган штаммлар ушбу препаратга сезгир бўлганда қўллаш мумкин (шифокор тавсиясига кўра).

*Автомобилни ва мураккаб механизмларни бошқариш қобилиятига таъсири*

Таърифланмаган.

**Дозани ошириб юборилиши**

Дозани ошириб юборилиши тўғрисида маълумотлар таърифланмаган.

**Чиқарилиш шакли**

20 мл флаконда пургагичли қопқок(спрей) билан ёпилган, давлат ва рус тилларидаги тиббиётда қўлланилишига доир йуриқномаси билан картон кутига жойланган.

**Сақлаш шароити**

Курук, куёш нурларидан химояланган жойда, +2°C дан +10°C гача бўлган ҳароратда сақлансин.

Болалар ололмайдиган жойда сақлансин.

**Яроқлилиқ муддати**

2 йил.

Яроқлилиқ муддати ўтгач қўлланилмасин.

**Дорихоналардан бериш тартиби**

Рецептсиз.

**Ишлаб чиқарувчи:**

“AZIYA IMMUNOPREPARAT” МЧЖ,

100206, Ўзбекистон Республикаси, Тошкент шаҳар, Юнусобод тумани, 17- мавзе, Қадрдон МФЙ, 4D-уй. Телефон: +99895 170-46-16. Е-почта: [info@mediphag.uz](mailto:info@mediphag.uz)

**Ўзбекистон Республикаси ҳудудида дори воситаларининг сифати бўйича эътирозлар (таклифлар)ни қабул қилувчи ташкилотни номи ва манзили:**

“AZIYA IMMUNOPREPARAT” МЧЖ,

100206 Ўзбекистон Республикаси, Тошкент шаҳар, Юнусобод тумани, 17- мавзе, Қадрдон МФЙ, 4D-уй. Телефон: +99895 170-46-16. Е-почта: [info@mediphag.uz](mailto:info@mediphag.uz)